

Conasë pënëntërinso'

Yosëri Conasë Ninihui
ninanokuë a'parinso'

1 ¹Israiro no'paquë a'nara pënënto-na'pi ya'huërin, Conasë itopiso'. Pa'pinso', Amitai itopi. A'na tahuëri Conasëso', Siniotori camairin: ²“Ninihuiso', panca ninano'. Napoaponahuë inaquë ya'huëpisopitaso', co imatonacohuë pa'pi co noyahuë' nipi. Napoaton inaquë paquë'. Pa'sahuaton ata'huan-ta'huaso yonquirahuëso', sha'huiconquë',” itërin.

³Napotopirinhuë', Conasëso co inaquë pacatonhuë', niquë pa'nin. Siniotori yata'ananpiton, Copë ninano nonshinanquë pa'marin. Inaquë nipachina, a'nara panca nancha Tarsis ninanoquë^a yapasarinso', quënanconin. Inanta pahuëretahuaton, Siniotori ta'ananpicaso marë' imatërin.

⁴Marë huancoanai' pa'sapirinahuë', Siniotori nohuanton panca ihuai' pa'nin. Napohuachina, panca co'sacaitërin. Napoaton: “Ipora tēhuëinchinso nancha ya'quiapon,” topi yonquiatona'.

⁵Co'huara inapoyátērasohuë', Conasëso pë'pëto quëpapiquë ya'comarahuatōn huë'ësárin. Nancha quëpana'piro'santa', pa'pi pa'yanpi. Napoatona', mamanshinënapitari nicha'ëcaiso marë' nontopi. Nontopirinahuë', co yasanoirinhuë'. Napohuachina, nancha niotëintacaso marë' pë'pëto quëparapiso', tē'yaitopi. ⁶Nancha hua'anënsō', pë'pëto quëpapiquë ya'comarahuatōn

ni'pirinhuë', Conasë huë'ësárin quënamarin. Quënamarahuatōn:

—¡Capayatëquë huë'ëitë'! ¡Pa'pi huëhuëpiro nisarëhua'! Huënsëaton Yosëparin nontëquë'. Taponā ina yānicha'ësápirinpoahuë', itërin.

⁷Hua'ani napotohuachina, Conasënta pipiintarin. Nancha quëpana'piro'saso':

—Insosona na'inin quëran po'sarëhuaso nitotacaso marë', nicanarëhuaso pochin nicatëhua nitotahua', niitopi. Inapohuachinara, Conasë na'ininso', nitotopi. ⁸Napoatona':

—Sha'huitocoi: ¿Maquëta tēhuëran ni'ton, po'sarëhua'? ¿Maquëta sacatëran? ¿Intohuaranta huë'saran? ¿Ma no'paquëta ya'huëran? ¿Ma piyapinquënta ninan? inapita sha'huitocoi nitochi, itopi.

⁹—Caso iprio piyapico ni'to, Siniotori chinotërahue. Inaso Yosë, inápaquë hua'anëntërin. Inari chachin isoro'pa', marë', inapita acorin. ¹⁰Siniotori camairincoso co natëtohuë', ta'ananpiarahue, itërin Conasëri. Inapitariso pa'yanatona':

—¡Ma'huantacha quëmaso ninan paya! ¡Co napoitōnhuë' pora! itopi.

¹¹Aquë aquëtë marë co'sacaitarinso nicatona', na'con na'con pa'yanpi. Napoatona', Conasë nataantapi:

—¿Ma'ta onpotohuatëinquën marë co'sacaitërinso copi tapon? itopi.

¹²—Tēhuëinchachin ca na'inahuëso marë' po'sarëhua'. Napoaton tē'yaitoco. Naporo huarë' marë sanoiarin, itërin Conasëri. ¹³Inaso napopirinhuë',

^a1.3 *Tarsis ninanoso'*: Inaso ninanoso', Ispania parti ya'huërin topi.



inapitaso yonsan'pa' ya'caritacaiso marë' chiníquën maitopi. Napopirinahuë', co nanitopihuë'. Marë aquë aquëtë co'sacaitarin ni'ton, co nanitopihuë'. ¹⁴Napohuachina, Sinioro nontopi huachi: "Sinioro. Quëmaso nohuantëransoráchin ninan. Iso quëmapi na'inin quëran po'sarai nipachina, ama ya'ipicoi taquiita'huaiso nohuantëquësohuë'. Ya'huërë' inaso co manta tëhuëpirinhuë' të'yaitohuatoi, chimanapon. Napohuachin, ama ina na'inchincoisohuë'," itopi. ¹⁵Inapoa-tona Conasë të'yaitopi. Naporo chachin marë sanoirin. ¹⁶Ina nicatona', Sinioro chinotopi. Ya'ipi cancanëna quëran chinotatona': "Ma'sha quëma marë' tëparahuatoi chinotarainquën," itopi.

Yosëri Conasë nicha'ërinso'

¹⁷Co'huara të'yaichátërasoihuë', Siniorosó a'nara panca sami Conasë mi'tacaso marë' camairin. Inapotohuachina, cara tahuëri tashirë chachin ina yo'namënuquë ya'huërin.

2 ¹⁻²Sami yo'namënuquë ya'huëarin quëran chachin, Conasëso Yosë nontaton:

"Sinioro. Quëmaso Yosënhuën-quën.

Yachimiitato co napion ancantaso, catahuancoso marë' nontëranquën.

Naporo' quëmaso', a'paniranco. Marë anpotërinquë yachimiitasoco, chiníquën nontohuatënuquëna, natanatonco catahuaranco.

³⁻⁴Quëma nohuanton nancha camayoro'sa', marë huancoanai' të'yaitërinaco.

Marë chiniiro'sa so'nantatë pochin nitërinco.

Panca co'sacairo'sa a'paransopitanta', imoto imototërinaco.

Naporo' iso pochin yonquirahuë:

'Iporaso', co huachi chinotëranquënso pëiquë ya'conato, chinotaantaponquënhuë'.

Quëma pëinënso', noyasáchin ninin, tënhuë.

- ⁵⁻⁶ Marë anpotërinquë t'ë'yaitohua-chinacora
 inaquë oniquin ya'huërinso',
 so'quëmototërinco.
 Motopiro'sa nanimarin'pa' huarë',
 camarahuë ninatanahuë:
 'Co huachi onporo tëranta isëquëran
 pipopohuë', topirahuë.
 Quëmaso Sinioro, Yosënëhuën-
 quën.
 Caso cha'ëca'huaso', co yonqui-
 pirahuë',
 panca sami mi'tiincoso marë'
 a'parahuaton,
 chimirin quëran nicha'ëranco.
⁷ Nani yachiminasoco quëma
 Sinioro yonquiranquën.
 Catahuaancoso marë' nontëran-
 quënso',
 chinotërainquënso pëi quëran
 natananco.
 Quëma pëinënso', noyasáchin
 ninin.
⁸⁻⁹ A'naquënso', mamanshiro'sa
 moshatona', a'porinën.
 Caso nipirinhüë', 'Yosparinquën
 Sinioro,' itatënquën chinota-
 ranquën.
 Quëma marë' ma'sha tëpara-
 huato chinotaranquën.
 Ma'sona nicaca'huaso sha'huitë-
 ranquënsopitanta', anania-
 rahuë.
 Quëmasáchin Sinioro nanitëran
 nicha'ëancoiso', itërin.
¹⁰ Ina quëran Siniorori camaihua-
 china, panca samiso', yonsan'pa'
 Conasë imoconin.

**Ninihuiquë ya'huëpisopita
 Yosëri nicha'ërinso'**

3 ¹ Naquëranchin Siniorori Conasë
 camaiantarin: ² "Ninihuiso panca
 ninano'. Inaquë pa'sahuaton nanan

sha'huitaranquënso sha'huiconquë',
 itërin.

³ Napotohuachina, Conasëso Siniorori
 camairinso chachin ninin. Ninihuiquë
 canconahuaton ni'pirinhüë', inaso
 panca ninano'. Cara tahuëri iratai-
 huarë' ya'ipi áquiipi. ⁴ Conasëso inaquë
 ya'conahuaton, a'na tahuëri' iratërin.
 Papon pochin pënëntërarin: "¡Catapini
 shonca tahuëriya quëran Yosëri iso
 ninano ata'huantapon!" tërarin.

⁵ Ya'huëhuano'saso ina natanahuatona',
 ya'ipiya quëran natëpi: "Tëhuëenchachin
 Yosë napotarinpoa'. Huëco pa'ahua
 ayono nicatëhua Yosë nontahua'. Co
 noyahuë' nicatëhua oshahuanëhuaso',
 a'poa'ahua'. Pa'pi sëtërehuaso a'nocaso
 marënta', sa'catën nininso a'moahua',"
 niitopi. ⁶ Copirnonta ina nitotahuaton,
 hua'anëntërinso shiranën quëran
 huanirin. Copirno ni'ton, noyápiachin
 a'mopirinhüë'. Ina pa'coirahuaton,
 sa'catën nininso a'morin. Ina quëran
 aipiran pa'sahuaton, huariano aipi
 huënsëconin. Co noyahuë' nininsopita
 a'porinso', a'nocaso marë' naporin.
⁷ Ina quëran catahuarinsopita hua'a-
 no'sapitarë chachin ya'ipi ninanoquë,
 ma'sona onpocaiso camaitërin:

"Ama insonta coshachinsohuë'.

Pë'tahuanëna', pë'tahua huëntonëna',
 inapitanta co a'cacaiso ya'huërinhuë'.
 Co i'sha tëranta o'shitacaiso ya'huë-
 rinhuë'. ⁸ Ya'ipiya quëran sa'catën
 nininso a'moina'. Pë'tahuanëna quëran
 huarë', ina pochin a'mochina'. Co
 napion ancantërehuaso', a'nocaso
 marë' inapoa'ahua'. Naporahua-
 tëhua ya'ipi cancanënpoa quëran
 Yosë nontahua'. Ya'ipi co noyahuë'
 ninëhuasopita, no'huitërayanpoa
 nicatëhua', co tënorotochináchin-
 hüë' cancantërehuasopita, inapita
 ya'ipi a'poa'ahua'. ⁹ Tapona Sinioro

nosoroatonpoa', no'huirinpoaso asanoápirinhué!. Inapohuachin, co tēpaonpoahué!,"

ténin. ¹⁰Copirno camaitérinso chachin ya'ipi piyapi'sa co noyahué! nipiso a'popi. Yosëso', napopiso ni'nin. Ina nicaton nosororin. Inapoaton ata'huantacaso yonquirinso', tananpitërin.

Yosëri piyapi'sa nosoroachin cancantërinso'

4 ¹⁻⁵Ina quëran Conasëso ninano quëran pipirahuaton, pi'i pipirinsó parti pa'nin. Aquëmiachin paponahué!, ninanoso noya ya'norin. Inaquë a'nara imënamëa'huaya pochin huënsëaton na'licaso marë' acorin. Inaporahuaton na'yapon pochin: "¿Ma'tama ninano onpo'inpá?" ténin. Yosëri ninihuiró'sa nosoroaton nicha'ërinso', Conasëso ni'nin. Ina nicaton pa'pi no'huitërin. Napoaton iso pochin Yosë nontërin:

—Ni'quë Sinioro. Quëmaso noyá-piachin cancantaton a'naroáchin yanosorotëran. Naporahuaton co a'naroáchin no'huitëranhué!. Piyapi'sa pa'pi nosororan ni'ton, ana'itacaso sha'huitaponahué!, co noyahué! nipiso a'pohuachinara, co huachi ana'intaranhué!. Inapochin ninanso', ya'huërahuëquë chachin nani nitotërahuë. Napoaton naporo camaihuatancora, a'naroáchin Tarsis'pa' ta'arapirahué!: "Ninihuiró'saso inimiconëhuëpita ni'tona', ama co noyahué! nipiso a'po'inaso-hué!. Yosëri ata'huantocha'in," ta'to naporahuë. Iporaso tantiarahuëso chachin ninan. Napoaton Sinioro tēpachinaco huachi. Ca marëso', chimina'huaso noya noya tēnahué, itërin. Siniororiso napoaponahué!:

—¡Co inapochin no'huitacaso ya'huë-rinhué! itërin.

⁶Yosëso Sinioro ni'ton, Conasë ana'itacaso marë' a'nara nonirintë na'ton pochin nininsó apapotërin. Inapotahuaton a'na tashiya marëá-chin imënamëa'huaya aso'quëëtërin. Inapotohuachina, noyá imorapitërin. Napoaton Conasëso', nonirintë marë' pa'pi noya cancantërin.

⁷Napopirinhué!, tahuëririnquë tashí-ramiachin Sinioroso a'nara cha'cho nonirintë a'tonacaso marë' camairin. Inapotohuachina a'naroáchin ahuirin. ⁸Pi'i pipihuachina Yosëso': "¡Ipora tahuëri pa'pi chiniquën pi'i pi'cachin!" ténin. Napohuachina, pa'pi chiniquën pi'i pi'cataton Conasë yatëparin. Pi'i tapinantochináchin ninatanaton yachiminin:

—Chiminahuë naporini, noya noya niitonhué!, ténin no'huitaton. ⁹Yosëriso napoaponahué!:

—Nonirintë ahuirinso marë' ¡co inapochin no'huitacaso ya'huërin-hué! itërin.

—Noya mini tēnahué caso!. Chiminchináchin no'huitërahuë, itërin Conasëri.

¹⁰Naporo Siniorori:

—¡Ma'huantacha quëmaso yonquiran paya! Co quëmari nonirintë shacaton aso'soranhué!. Co pi'pian tēranta inaquë sacatëranhué!. Inaso', ca nohuanton a'na tashiya marëáchin so'sorahuaton, a'na tahuëriíchin ana'itërinquën. Tahuëririnquëso', ahuiantarin. Napopirinhué!, ina nosoronëinquë ahuirinso marë' a'pitaton no'huitëran. ¹¹Aquëtë huarë' mini caso!, Ninihui ninanoquë ya'huëpi-sopita nosoroca'huaso ya'huërin. Inaso' panca ninano ni'ton, pasa cato shonca huaranca na'con piyapi'sa ya'huërin. Inapitaso', hua'huaro'sa co manta nitotatonaraihué! tēhuëpiso pochin nipi. Naporahuaton notohuaro' pē'ta-huaro'santa ya'huërin, itërin.